

Na osnovu člana 16. stav 4., Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 161. sjednici, održanoj dana 20.09.2018. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po inicijativi (zahtjevu) doc. dr. Suvada Isakovića, Predsjednika Upravnog odbora JU Univerzitet u Zenici za Autentičnim tumačenjem člana 86. stav (1) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), broj: 10-02-1255-1/18., od 20.08.2018. godine i čini sastavni dio ovog zaključka.

II.

Zaključak sa Mišljenjem iz tačke I. upućuje se u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/18.
Datum, 20.09.2018.godine.
Z e n i c a

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,
1x Stručna služba Skupštine,
1x a/a.

Na osnovu člana 18., stav (1) Zakona o kantonalnim ministarstvima i drugim tijelima kantonalne uprave, („Službene novine Zeničko-dobojskog kantona“, broj: 10/15), a u vezi sa članom 86. stav (1), i (2), Zakona o visokom obrazovanju, („Službene novine Zeničko-dobojskog kantona“, broj: 6/09, 9/13, 13/13 i 4/15), postupajući po prethodnom Zahtjevu za davanjem Autentičnog tumačenja člana 86., stav (1) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), podnesenom od strane predsjednika Upravnog odbora JU Univerzitet u Zenici, doc.dr. Suvada Isakovića, od 31.07.2018. godine, Ministarstvo za obrazovanje, nauku, kulturu i sport daje sljedeće:

MIŠLJENJE

Član 86. stav (1) i (2), odnosi se na „**DIO OSMI-RADNI ODNOSI**“ Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), koji decidno predviđa mogućnost nastavnika, odnosno saradnika da zaključi ugovor kojim se angažuje na drugoj visokoškolskoj ustanovi ili kod drugog pravnog lica, uz istovremeni uvjet da takvim radom ne remeti rad u visokoškolskoj ustanovi kod koje je već u radnom odnosu, niti bi dovodio do sukoba interesa, a sve uz prethodno pribavljeno odobrenje senata visokoškolske ustanove sa kojom ima zasnovan radni odnos. S obzirom da je u stavu (2), istog člana, izričito i propisano da se: „**Općim aktom visokoškolske ustanove propisuju uvjeti i postupak za davanje i oduzimanje odobrenja iz stava (1) ovog člana**“, proizilazi da je predmetni član Zakona, (posmatran u cjelini sa svoja dva stava), u dovoljnoj mjeri jasan, nedvosmislen i precizan, kako u pogledu obima pripadajućih prava nastavnika i saradnika, tako i načina njegove neposredne primjene u aktuelnoj obrazovnoj praksi, te da nema potrebe za bilo kakvim dodatnim tumačenjem ili pojašnjavanjem u pogledu već utvrđenog obima prava i obaveza, kako od strane samih visokoškolskih ustanova, tako i od strane angažovanog akademskog osoblja. Naime, sva prateća pitanja koja su postavljena u dijelu obrazloženja Zahtjeva za autentičnim tumačenjem člana 86., stav (1) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), pored Statuta JU Univerziteta u Zenici kao njegovog općeg akta, zatim zaključenih ugovora o međuuniverzitetskoj saradnji odnose se i na druge zakone odnosno propise, (primjerice: Zakon o radu F BiH), a kojima se bliže uređuju pitanja vezana za radno-pravni status nastavnika i saradnika Univerziteta u Zenici prilikom angažovanja na drugim visokoškolskim ustanovama ili pravnim licima u toku radnog vremena ili van radnog vremena, kao i pitanja prava na isplatu dnevnice, toplog obroka i/ili putnih troškova od strane Univerziteta u Zenici za dane kada je izvodio nastavu na drugim univerzitetima ili je obavljao stručne poslove u drugim pravnim licima. Pri tome, zakonodavac sa citiranim članom 86., stav (1) i stav (2) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), naglasak je stavio na opću mogućnost-pravo nastavnika i saradnika na dodatno angažovanje u drugoj visokoškolskoj ustanovi ili pravnom licu pri čemu se u obzir uzimala upravo mogućnost realizacije ugovorene međuuniverzitetske saradnje koja uključuje i razmjenu stručnjaka, naučno-istraživački rad, studentske boravke i druge vidove uzajamne pomoći i saradnje te **druga akademska pitanja od općeg interesa sa JU Univerzitet u Zenici, a o kojima prethodno odlučuje, odnosno daje odobrenje za takav dodatni angažman upravo Senat Univerziteta u Zenici.** Stoga se predmetnim članom Zakona o visokom obrazovanju na nivou Kantona, i nisu mogla bliže ili dodatno uređivati prateća pitanja propisana drugim zakonskim i provedbenim finansijskim propisima ili pravilima poput prava na isplatu dnevnice,

toplog obroka i/ili putnih troškova od strane Univerziteta u Zenici za dane kada je nastavnik ili saradnik izvodio nastavu na drugim univerzitetima ili je obavljao stručne poslove u drugim pravnim licima. Tim prije što član 86., stav (1) i stav (2) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), izričito propisuje da se bilo kakvo dodatno angažovanje nastavnika ili saradnika na drugim univerzitetima ili pravnim licima, ne može realizovati na način koji bi dovodio do remećenja rada JU Univerzitet u Zenici, ili pak sukoba interesa, a što svakako uključuje i eventualne negativne finansijske posljedice za interese rada ili poslovanja JU Univerzitet u Zenici. S tim u vezi, Javna obrazovna ustanova Univerzitet u Zenici treba dosljedno postupati u skladu sa citiranim članom 86., stav (1) i stav (2) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), odnosno svojim općim aktom kojim se bliže propisuju, odnosno uređuju sva prateća pitanja primjene navedenog člana Zakona.

S poštovanjem,

Zenica, 10.09.2018. godine
Broj: 10-02-1255-2/18.

MINISTAR
Mensur Sinanović